

**«ԱրմենՏել» փակ բաժնետիրական ընկերության կողմից Հայաստանի
Հանրապետության Սյունիքի և Արագածոտնի մարզերում ռադիոռելեային
կապի գծերի կազմակերպման համար 7982ՄՀգ, 8388ՄՀգ, 10775ՄՀգ,
11545ՄՀգ հաղորդման/ընդունման ռադիոհաճախականությունների
օգտագործման թույլտվության**

Պայմանները

**(Թույլտվություն №0856 , տրված Հայաստանի Հանրապետության
հանրային ծառայությունները կարգավորող հանձնաժողովի
2010 թվականի հոկտեմբերի 27-ի №564Ա որոշմամբ)**

1. Սահմանումներ

1. Սույն թույլտվությունում օգտագործված հիմնական հասկացություններն են՝
Հանձնաժողովը՝ Հայաստանի Հանրապետության հանրային ծառայությունները
կարգավորող հանձնաժողով.

Թույլտվություն ունեցող անձ կամ Լիցենզավորված անձ՝ ,ԱրմենՏել փակ
բաժնետիրական ընկերություն.

Թույլտվություն՝ Հանձնաժողովի կողմից Լիցենզավորված անձին տրված սույն
փաստաթուղթը, որը հավաստում է ռադիոհաճախականություններ օգտագործելու
նրա իրավունքը և պարտականությունը.

Ֆորս մաժոր՝ արտակարգ և անկանխելի դեպքեր և հանգամանքներ, որոնք
ստեղծվել են Լիցենզավորված անձի կամքից անկախ, ներառյալ (սակայն
չսահմանափակվելով դրանցով) բնական աղետները, բնության ուժերի
արտասովոր ուժեղ դրսևորումները, ինչպես, օրինակ, ջրհեղեղները,
երկրաշարժերը, փոթորիկները, պտտահողմերը, նաև սաբոտաժային
գործողություններ, ահաբեկչություններ, պատերազմներ, ապստամբություններ,
հասարակական անկարգություններ, գործադուլներ, որոնք խոչընդոտում են
Լիցենզավորված անձի գործունեությունը կամ հանգեցնում նրա ստանձնած
ցանկացած պարտավորության կատարման ձգձգման կամ դադարեցման՝
հակառակ նրա կողմից գործադրված ջանքերի՝ խուսափելու, թուլացնելու կամ
վերացնելու այդ ուժերի ազդեցությունը:

2. Թույլտվության գործողության ժամկետը

- Թույլտվությունն ուժի մեջ է մտնում 2010 թվականի հոկտեմբերի 27-ից:
- Թույլտվությունը գործում է մինչև 2013 թվականի մարտի 3-ը:

3. Ռադիոհաճախականության օգտագործման էությունը կազմող գործառույթները

- Թույլտվությունն ուժի մեջ մտնելու պահից Լիցենզավորված անձին իրավունք է տրվում և պարտավորեցվում է Հայաստանի Հանրապետության Սյունիքի և Արագածոտնի մարզերում ռադիոռելեային կապի գծերի շահագործմամբ օգտագործել 7982ՄՀց, 8388ՄՀց, 10775ՄՀց, 11545ՄՀց հաղորդման/ընդունման ռադիոհաճախականությունները՝ հետևյալ տեխնիկական ցուցանիշներով՝
 - 1) ռադիոռելեային կապի գծերի անվանումը, ռադիոռելեային կայանների տեղադրման վայրերը և աշխարհագրական կոորդինատները՝

h/h	Ռադիոռելեային կապի գծի անվանումը	Ռադիոռելեային կապի գծի կայանների տեղադրման վայրերը		Աշխարհագրական կոորդինատները	
		կայան 1	կայան 2	կայան 1	կայան 2
1	2	3	4	5	6
1	Գորիս ԱՀԿ - Գորիս ՀԿ	Սյունիքի մարզ, ք. Գորիս, ավտոմատ հեռախոսակայան	Սյունիքի մարզ, գ. Խնձորեսկ, հեռուստակենտրոն	46E 20' 31.8' ' 39N 30' 25.2' '	46E 21' 41.8' ' 39N 30' 68.2' '
2	Գորիս ՀԿ - Խնձորեսկ ԱՀԿ	Սյունիքի մարզ, գ. Խնձորեսկ, հեռուստակենտրոն	Սյունիքի մարզ, գ. Խնձորեսկ, ավտոմատ հեռախոսակայան	46E 21' 41.8' ' 39N 30' 68.2' '	46E 26' 7.8' ' 39N 30' 44.2' '

3	Գորիս ԱՀԿ - Վերիշեն ԱՀԿ	Սյունիքի մարզ, ք. Գորիս, ավտոմատ հեռախոսակայան	Սյունիքի մարզ, գ. Վերիշեն, ավտոմատ հեռախոսակայան	46E 20' 31.8' ' 39N 30' 25.2' '	46E 18' 42.8' ' 39N 32' 2.2' '
4	Շինուայր ԱՀԿ - Բարձրավան ԱՀԿ	Սյունիքի մարզ, գ. Շինուայր, ավտոմատ հեռախոսակայան	Սյունիքի մարզ, գ. Բարձրավան, ավտոմատ հեռախոսակայան	46E 18' 68.8' ' 39N 26' 2.2' '	46E 19' 44.8' ' 39N 25' 5.2' '
5	Աշտարակ ԱՀԿ - Բյուրական ԱՀԿ	Արագածոտնի մարզ, ք. Աշտարակ, ավտոմատ հեռախոսակայան	Արագածոտնի մարզ, գ. Բյուրական, ավտոմատ հեռախոսակայան	44E 21' 40.4' ' 40N 17' 47.0' '	44E 16' 98.4' ' 40N 20' 10.0' '

2) ռադիոռելեային կապի գծերի օգտագործման նպատակը՝ ավտոմատ հեռախոսակայանների միջև կապի կազմակերպում.

3) ռադիոռելեային կայանների տեսակը՝ թվային.

4) հաղորդիչների հզորությունը՝

h/h	Ռադիոռելեային կապի գծի անվանումը	Հաղորդիչների հզորությունը (Վտ)
1	2	3
1	Գորիս ԱՀԿ - Գորիս ՀԿ	0.2
2	Գորիս ՀԿ - Խնձորեսկ ԱՀԿ	0.05
3	Գորիս ԱՀԿ - Վերիշեն ԱՀԿ	0.05
4	Շինուայր ԱՀԿ - Բարձրավան ԱՀԿ	0.05
5	Աշտարակ ԱՀԿ - Բյուրական ԱՀԿ	0.05

5) հատկացված ռադիոհաճախականությունները (հաղորդման)՝

h/h	Ռադիոռելեային կապի գծի անվանումը	Հատկացված ռադիո- հաճախականությունները (ՄՀց)	
1	2	3	4
1	Գորիս ԱՀԿ - Գորիս ՀԿ	7982	8388
2	Գորիս ՀԿ - Խնձորեսկ ԱՀԿ	8388	7982
3	Գորիս ԱՀԿ - Վերիշեն ԱՀԿ	7982	8388
4	Շինուայր ԱՀԿ - Բարձրավան ԱՀԿ	10775	11545
5	Աշտարակ ԱՀԿ - Բյուրական ԱՀԿ	10775	11545

6) ճառագայթման դասը՝

h/h	Ռադիոռելեային կապի գծի անվանումը	Ճառագայթման դասը
1	2	3
1	Գորիս ԱՀԿ - Գորիս ՀԿ	16MOF7D
2	Գորիս ՀԿ - Խնձորեսկ ԱՀԿ	16MOF7D
3	Գորիս ԱՀԿ - Վերիշեն ԱՀԿ	16MOF7D
4	Շինուայր ԱՀԿ - Բարձրավան ԱՀԿ	7MOF9D
5	Աշտարակ ԱՀԿ - Բյուրական ԱՀԿ	7MOF9D

7) տեղեկատվության հաղորդման արագությունը՝

h/h	Ռադիոռելեային կապի գծի անվանումը	Տեղեկատվության հաղորդման արագությունը (կԲիտ/վ)
1	2	3
1	Գորիս ԱՀԿ - Գորիս ՀԿ	8 x 2048

2	Գորիս ՀԿ - Խնձորեսկ ԱՀԿ	2 x 2048
3	Գորիս ԱՀԿ - Վերիշեն ԱՀԿ	2 x 2048
4	Շինուայր ԱՀԿ - Բարձրավան ԱՀԿ	2 x 2048
5	Աշտարակ ԱՀԿ - Բյուրական ԱՀԿ	2 x 2048

8) ռադիոհաճախականության կայունությունը՝ 1×10^{-5} .

9) անտենաների տեսակը, ուժեղացման գործակիցը, դիագրամի ուղղվածության լայնությունը, տրամագիծը՝

h/ h	Ռադիոռելեային կապի գծի անվանումը	Անտենայի տեսակը		Ուժեղացման գործակիցը (դԲ)		Դիագրամի ուղղվածության լայնությունը (աստիճան)		Անտենայի տրամագիծը (մ)	
		կայան 1	կայան 2	կայան 1	կայան 2	կայան 1	կայան 2	կայան 1	կայան 2
1	2	3	4	5	6	7	8	9	10
1	Գորիս ԱՀԿ - Գորիս ՀԿ	АНК-1	АНК-1	36,5	36,5	1,3	1,3	1,0	1,0
2	Գորիս ՀԿ - Խնձորեսկ ԱՀԿ	АНК-1	АНК-1	36,5	36,5	1,3	1,3	1,0	1,0
3	Գորիս ԱՀԿ - Վերիշեն ԱՀԿ	АМД-2.5	АМД-2.5	44,5	44,5	0,7	0,7	2,5	2,5
4	Շինուայր ԱՀԿ - Բարձրավան	АМД-2.5	АМД-2.5	44,5	44,5	0,7	0,7	2,5	2,5

	ԱՀԿ								
5	Աշտարակ ԱՀԿ - Բյուրական ԱՀԿ	ԱՄՃ- 2.5	ԱՄՃ- 2.5	44,5	44,5	0,7	0,7	2,5	2,5

5. Լիցենզավորված անձն պարտավոր է ռադիոհաճախականություններն օգտագործել այնպես, որ վնասակար ազդեցություն չունենա այլ անձանց ռադիոհաճախականության օրինական օգտագործման վրա:
6. Թույլտվության 5 կետի խախտման դեպքում Հանձնաժողովը կարող է փոփոխություն կատարել թույլտվության մեջ:
7. Լիցենզավորված անձը էլեկտրամագնիսական համատեղելիությունն ապահովելու նպատակով պարտավոր է համագործակցել Հայաստանի Հանրապետության պաշտպանության նախարարության հետ՝ ընդ որում, տրամադրված ռադիոհաճախականությունների օգտագործման ընթացքում Հայաստանի Հանրապետության պաշտպանության նախարարությանը պատկանող ռադիոհաղորդիչ սարքավորումների վրա ազդեցության հայտնաբերման դեպքում առաջնահերթությունը վերապահվում է Հայաստանի Հանրապետության պաշտպանության նախարարությանը պատկանող ռադիոհաղորդիչ սարքավորումներին:

4. Լիցենզավորված անձի գործունեությունը

8. Լիցենզավորված անձը պարտավոր է իր գործունեությունը իրականացնել ,էլեկտրոնային հաղորդակցության մասին Հայաստանի Հանրապետության օրենքի, Հանձնաժողովի ընդունած իրավական ակտերի, Թույլտվության պայմանների և այլ իրավական ակտերի համաձայն:
9. Թույլտվությունը չի կարող օգտագործման տրվել այլ անձանց, օտարվել կամ գրավադրվել՝ բացառությամբ օրենքով սահմանված դեպքերի:
10. Լիցենզավորված անձը պարտավոր է Թույլտվությունն ուժի մեջ մտնելու պահից եռամսյա ժամկետում Հանձնաժողով ներկայացնել կապի գծով քաղաքաշինության փաստաթղթերի մշակման լիցենզիա ունեցող անձանց

կողմից մշակված՝ ռադիոռեւելային կապի գծերի տեխնիկական նախագծերը՝ երկու օրինակից:

11. Թույլտվության 10 կետով նախատեսված տեխնիկական նախագծերի ներկայացումից հետո թույլտվության պայմանները կարող են փոփոխվել:
12. Լիցենզավորված անձը պարտավոր է Թույլտվության պայմանների 4 կետում նշված որևէ տեխնիկական ցուցանիշի փոփոխության դեպքում եռամսյա ժամկետում Հանձնաժողով ներկայացնել կապի գծով քաղաքաշինության փաստաթղթերի մշակման լիցենզիա ունեցող անձանց կողմից մշակված ռադիոռեւելային կապի գծերի տեխնիկական նախագիծը՝ երկու օրինակից:
13. Լիցենզավորված անձի նկատմամբ սեփականության իրավունքն այլ անձի փոխանցելուց առաջ Լիցենզավորված անձը պարտավոր է ,Էլեկտրոնային հաղորդակցության մասին Հայաստանի Հանրապետության օրենքով սահմանված կարգով ստանալ Հանձնաժողովի համաձայնությունը:
14. Լիցենզավորված անձը պարտավոր է ապահովել Թույլտվությամբ հատկացված ռադիոհաճախականությունների արդյունավետ օգտագործումը:
15. Լիցենզավորված անձը պարտավոր է իր տնօրինության կամ տիրապետման տակ գտնվող սարքավորումների շահագործման, տեխնիկական սպասարկման և նորոգման ընթացքում ապահովել քաղաքացիների, սպասարկող անձնակազմի կյանքի և առողջության անվտանգությունը:
16. Լիցենզավորված անձը պարտավոր է Հանձնաժողով ներկայացնել իր մոտ անցկացված՝ Հանձնաժողովի կողմից կարգավորվող գործունեությանն առնչվող աուդիտորական կամ իրավասու մարմինների ստուգման եզրակացությունները և արձանագրությունները (ակտերը)՝ համապատասխան գործողությունների ավարտից հետո 10-օրյա ժամկետում:
17. Լիցենզավորված անձը պարտավոր է Հանձնաժողովի կողմից սահմանված կարգով և ժամկետներում վճարել ռադիոհաճախականությունների օգտագործման վճարները և եռամսյակը մեկ անգամ՝ մինչև յուրաքանչյուր եռամսյակի վերջին օրը, Հանձնաժողով ներկայացնել ռադիոհաճախականությունների օգտագործման համար սահմանված ամենամյա վճարի մեկ քառորդի վճարումը հավաստող անդորրագիրը:

18. Լիցենզավորված անձը պարտավոր է իր վերականգնական կամ անվանափոխման, կամ գտնվելու վայրի փոփոխման դեպքում այդ փոփոխությունների իրավական ուժ ստանալու օրվանից սկսած 15-օրյա ժամկետում այդ մասին տեղեկացնել Հանձնաժողովին՝ կցելով նշված տեղեկությունները հավաստող համապատասխան փաստաթղթերը:
19. Լիցենզավորված անձը՝ Հանձնաժողովի կողմից սահմանված կարգին և ձևերին համապատասխան, պարտավոր է իր գործունեության մասին տեղեկատվություն ներկայացնել Հանձնաժողով:
20. Լիցենզավորված անձը պատասխանատվություն է կրում իր գործունեության մասին Հանձնաժողով ներկայացրած տեղեկատվության հավաստիության համար:
21. Լիցենզավորված անձի՝ Հանձնաժողով ներկայացրած տեղեկատվությունը հրապարակային է, եթե այն Լիցենզավորված անձի կողմից չի համարվում գաղտնի և նշված չէ որպես ,գաղտնապահական տեղեկատվություն: Լիցենզավորված անձն իրավունք ունի ներկայացնել փաստարկներ և հիմնավորումներ՝ ապացուցելու համար, որ իր ներկայացրած տվյալների (ներառյալ՝ ,գաղտնապահական տեղեկատվությունը) հրապարակումը կարող է վնասել իր գործունեության շահերին: Հանձնաժողովն իրավասու է ընդունել կամ մերժել նման տեղեկատվության չհրապարակման վերաբերյալ Լիցենզավորված անձի խնդրանքը:
22. Լիցենզավորված անձը պարտավոր է հնարավորինս սեղմ ժամկետում Հանձնաժողով հայտնել այն հանգամանքների մասին, որոնք հանգեցրել կամ կարող են հանգեցնել Թույլտվության պայմանների խախտման:

5. Գործունեության վերահսկում

23. Թույլտվության պայմանների պահպանման վերահսկումն իրականացնում է Հանձնաժողովը:
24. Թույլտվության պայմանների պահպանման վերահսկումն ապահովելու նպատակով Հանձնաժողովը կամ նրա լիազոր ներկայացուցիչներն իրավունք ունեն ազատ մուտք գործել Լիցենզավորված անձի տարածք: Վերահսկումն իրականացնելու ընթացքում Լիցենզավորված անձը պարտավոր է լիովին

համագործակցել և աջակցել Հանձնաժողովին կամ նրա լիազոր ներկայացուցիչներին:

25. Հանձնաժողովի լիազոր ներկայացուցիչները Լիցենզավորված անձի տարածքում պահպանում են Լիցենզավորված անձի ներքին կանոնակարգը, անվտանգության կանոնները, ինչպես նաև Հայաստանի Հանրապետության օրենսդրությամբ սահմանված նորմերը:

26. Հանձնաժողովն անհրաժեշտության դեպքում իր ներկայացուցիչների միջոցով, իր կողմից սահմանված կարգով և ժամկետներում, իրավունք ունի իրականացնելու Թույլտվության պայմանների պահպանման ուսումնասիրություն և Հանձնաժողով ներկայացված տեղեկատվության հավաստիության ստուգում:

6. Պատժամիջոցներ

27. Լիցենզավորված անձի կողմից ,Էլեկտրոնային հաղորդակցության մասին Հայաստանի Հանրապետության օրենքի, Հանձնաժողովի ընդունած իրավական ակտերի պահանջները կամ Թույլտվության պայմանները չկատարելու, ոչ պատշաճ կատարելու կամ խախտելու դեպքում Հանձնաժողովն իրավասու է իր կողմից սահմանված կարգով կիրառել հետևյալ պատժամիջոցները՝

- 1) տույժերի և տուգանքների կիրառում,
- 2) Թույլտվության փոփոխում,
- 3) Թույլտվության կասեցում,
- 4) Թույլտվության գործողության դադարեցում:

28. Լիցենզավորված անձը Թույլտվության 27 կետի համաձայն չի ենթարկվում պատասխանատվության, եթե նրա գործունեության մեջ արձանագրված խախտումները Ֆորս մաժորի հետևանք են:

7. Թույլտվության փոփոխություն, ժամկետի երկարաձգում, Թույլտվության կորստի դեպքում կրկնօրինակի տրամադրում

29. Ռադիոռելեային կապի գծերի շահագործման ընթացքում տեխնիկական ցուցանիշների ցանկացած փոփոխության դեպքում Լիցենզավորված անձը անհապաղ դիմում է Հանձնաժողով՝ Թույլտվության մեջ փոփոխություններ կատարելու կամ նոր Թույլտվություն ստանալու հայտով:
30. Թույլտվության պայմաններում փոփոխություններ կարող են կատարվել Հանձնաժողովի կամ Լիցենզավորված անձի նախաձեռնությամբ՝ Հանձնաժողովի կողմից սահմանված կարգով:
31. Թույլտվության կորստի (կորցնելու, ոչնչանալու և այլն) կամ գործողության ժամկետի երկարաձգման անհրաժեշտության դեպքում Լիցենզավորված անձը պարտավոր է հայտ ներկայացնել Հանձնաժողով՝ վերջինիս կողմից սահմանված կարգով:

8. Այլ պայմաններ

32. Լիցենզավորված անձը պարտավոր է ռադիոռելեային կապի գծերի շինարարական-մոնտաժային աշխատանքներն իրականացնել շինարարական նախագծին, ինչպես նաև տվյալ բնագավառում Հայաստանի Հանրապետությունում գործող տեխնիկական կանոնակարգերին և իրավական ակտերին համապատասխան:
33. Թույլտվության գործողությունը կարող է դադարեցվել Լիցենզավորված անձի նախաձեռնությամբ՝ նրա գրավոր դիմումի հիման վրա:

9. Ծանուցում

34. Թույլտվության վերաբերյալ պաշտոնական բոլոր ծանուցումները, հայտերը, պահանջները կամ այլ հաղորդագրությունները Լիցենզավորված անձի կողմից պետք է ներկայացվեն գրավոր և ուղարկվեն սուրհանդակի միջոցով, պատվիրված նամակով կամ առձեռն հանձնվեն Հանձնաժողով:

